

Թ. Գ. ՆԱՎԱՍԱՐԴՅԱՆ

ՄԱՐՔՍԸ ԵՎ ՀՈՒՄԱՆԻԶՄԸ

Երկու դասական բանաձևեր, որոնք առանձնանում են մարքս-լենինյան տեսության զարգացման պատմության հետնախորքի վրա, լավագույնս ցույց են տալիս հումանիզմի էության նկատմամբ այդ տեսության հայեցակետի անփոփոխ լինելը։ Այդ բանաձևերից առաջինը պատկանում է Մարքսին (1845 թ.)՝ «Կոմունիզմը իրական հումանիզմ է։ Կոմունիզմը հավասար է հումանիզմի, այն դործնական և դրական հումանիզմ է»։ Երկրորդ, ըստ ժամանակի վերջին բանաձևը տրված է ՍՄԿԿ XXII համագումարի ընդունած ծրագրում. «Կոմունիստական զաղափարախոսությունը ամենահումանիստական զաղափարախոսությունն է»։

Սկզբունքային դիրքավորման այդ անփոփոխությունը հարկ է հատկապես ընդգծել, ի հակադրություն Մարքսի ուսմունքը կեղծողների պնդումների, առանձնապես այն բուրժուական զաղափարախոսների, որոնք ստեղծել են երկու Մարքսի առասույլը, որոնցից երիտասարդը կողմնակից է հումանիզմին, իսկ հասունը հեռացել է հումանիզմից¹։

Բուրժուական զաղափարախոսները ազավազված ձևով են մեկնաբանում Կ. Մարքսի վաղ շրջանի ստեղծագործությունների բովանդակությունը, որոնք (որպես տեսականապես ոչ-հասուն) իրենց վրա կրում են դասական փիլիսոփայության ազդեցության կնիքը, հակադրում են դրանք նրա հասուն աշխատությունների զաղափարական ու տեսական բովանդակությանը։ Էկզիստենցիալիզմի հիմնադիրներից Մ. Հայդեգերը անգամ պատրաստ է փառաբանել Կ. Մարքսի այդ վաղ աշխատությունները միայն այն բանի համար, որ այնտեղ երիտասարդ Մարքսը զարգացրել է փիլիսոփայական մի կատեգորիա, որ կենտրոնական է դարձել ժամանակակից էկզիստենցիալիզմի համար՝ մարդկային անհատի օտարման կատեգորիան։ «Հենց այն բանի համար, որ Մարքսը, ըմբռնելով օտարումը, առաջ է ընթացել դեպի պատմության էական շարժումը, նրա ըմբռնումը գերազանցում է մնացյալ բոլոր հայեցակետերը»²։

Նման գնահատականները ելակետ են ծառայում այն եզրակացությունների համար, որ տնտեսական պրոլետմենների մշակումը, որի շնորհիվ 1844—1845 թթ. երիտասարդ Մարքսի արտահայտած հանճարեղ հիպոթեզը վերած-

¹ Н. И. Лаппин, Борьба вокруг идейного наследия молодого Маркса, М., 1962; Լ. Ն. Կապսարյան, Կոմունիզմը և հումանիզմը, «Լենինյան ուղիով», № 1, 1963; В. В. Кешелав, Миф о двух Марксах, М., 1963; «Отчуждение и гуманность», Թարգմ. գերմաներենից, М., 1967.

² М. Heidegger, Platons lehre von Wahrheit, Bern, 1947, S. 54.

վեց զրտական տեսության, դարձավ անցման քայլ ղեկի հակահումանիզմը³, թեև իրականում Վարքսիզմը զրտական հասուն սխտանի վերածվելու պրոցեսը և նրա հետ կապված տնտեսական տեսության մշակումը չի կարելի դիտել որպես նահանջ «պաշտոնական մարքսիզմի» հումանիստական սկզբունքներից: Լ՛նդհակառակը, հենց տնտեսական հիմնավորումն է դարձնում⁴ Մարքսի ուսմունքն իրական, լեցուն կոնկրետ բովանդակությամբ, պատմականորեն գործնական:

Զուր են արևմտյան գաղափարախոսների փորձերը ապացուցելու, թե մարքսիզմ-լենինիզմը այլևս չի կարող բնկալվել որպես մեր ժամանակաշրջանին ներդաշնակ ուսմունք, որը պատասխանում է կյանքի կարևորագույն պահանջներին: Մարքսիզմ-լենինիզմը օրգանապես համադրում է դասակարգայնությունը և հեղափոխականությունը պրոլետարական հումանիզմին, ամբողջովին շրջված է ղեկի մարդը⁵ 4. Մարքսը առաջինն էր, որ զրտականորեն հիմնավորեց, թե միայն կոմունիզմն է ապահովում «հասարակական աշխատանքի արտադրողական ուժերի մեծագույն ծաղկման հետ նաև մարդու առավել լրիվ զարգացումը»⁶ 5. Մարքս-հումանիստը, իրենով մարմնավորելով պատմության նոր դարաշրջանը, վեր է կանգնած մյուս ժամանակաշրջանների հումանիստների համեմատությամբ: Նրա ուսմունքը հավատ է ներշնչում ղեկի բանականության հզոր ուժը, հավատ ղեկի մարդկության պայծառ ապագան:

1

Էսպես կարևոր է, որ սկսած իր վաղ շրջանի աշխատություններից, որոնք մեր օրերում էկզիստենցիալիստական կեղծարարության առարկա են դարձել, 4. Մարքսը իր ողջ տեսական գործունեության ընթացքում հումանիզմի մասին վեճը գուտ մտածողության ոլորտից միշտ փոխադրում էր հասարակական պրակտիկայի հողի վրա: «Օտարումը» 4. Մարքսը բմրոնում էր իրրե պատմական պրոցես և «մարդու լիակատար կորուստը» բխեցնում էր ապրանքականացիտալիստական աշխարհի յուրօրինակ, կոնկրետ հարարերություններից: 4. Մարքսի մատերիալիստական հայացքներում մարդը դիտվում էր ամենից առաջ ոչ թե իրրե «տառապող» էակ, այլ որպես նյութական բարիքների ակտիվ արտադրող: Իրտական հումանիզմի հիմնադիր 4. Մարքսը նշում էր. «Ի լրիվ հակադրություն գերմանական փիլիսոփայության, որը երկնրից էր իջնում գետին, մենք այստեղ երկրից ենք հասնում երկինք, այսինքն մենք ելնում ենք ոչ թե այն բանից, թե ինչ են ասում, երեակայում, պատկերացնում մարդիկ, մենք ելնում ենք նաև ոչ թե մտացածին մարդկանցից, երեակայության, պատկերացման արդյունք հանդիսացող մարդկանցից, որպեսզի նրանցից գանք ղեկի իրական մարդիկ,— մեղ համար իրրե ելակետ ծառայում են իսկապես գործող մարդիկ, և նրանց իրական կենսական պրոցեսից մենք հանում ենք նույնպես և գաղափարական արտադրումների և այդ կենսական պրոցեսի արձագանքների զարգացումը»⁵:

Այս հատվածից բավականին պարզ է դառնում, թե ինչու որպես պատմության իրական բովանդակություն, հակառակ մարդկային ուսմունքի և ձևա-

³ Տե՛ս, օրինակ, G. Sillers, Das Ende der technischen zeltalters, Fr.-a.-M., 1963, S. 89.

⁴ Տե՛ս K. Մարքս և Փ. Էնգելս, Տոմ., տ. 19, էր. 120.

⁵ K. Մարքս և Փ. Էնգելս, Տոմ., տ. 3, էր. 25.

փոխվող բացարձակ զաղափարի, Կ. Մարքսի տեսակետով պետք է ճանաչվի «ոչ այլ ինչ, քան իր նպատակները հետապնդող մարդու զործունեությունը»⁶։ Հետազոտում, երբ Մարքսը հիմնավորեց օբյեկտիվ պատմական այն օրինաչափությունը, որով շահագործողական հարաբերությունները փոխարկվում են ազատ արտադրողների կոլեկտիվի՝ անդամակարգ հասարակության, նա հանգեց այն եզրակացության, որ «միայն կոլեկտիվում է անհատը ստանում միջոցներ, որոնք հնարավորություն են տալիս նրա ձիրքերի համակողմանի զարգացման համար և, հետևարար, միայն կոլեկտիվում է հնարավոր անձնական ազատությունը»⁷։

Իսկապես կոլեկտիվ հարաբերությունների հումանիստական բովանդակությունը, ինչպես և մյուս հումանիստական դրույթները Մարքսի հետազոտություններում սերտ կերպով շաղկապված հանդես եկան նրա կողմից զիտական կոմունիզմի տեսության հետադա ողջ մշակման հետ։ Դրանք շաղկապված էին նաև բուրժուական էկոնոմիկայի հետազոտման մեթոդի հետ, էկոնոմիկա, որը խոր վերլուծության ենթարկվեց «Կապիտալում», որտեղ տնտեսական կատեգորիաների համակարգը Կ. Մարքսը կարողացավ բացահայտել արտադրական հարաբերությունները՝ որպես մարդկային ամենաէական հարաբերություններ։ Բացի այդ, 60-ական թթ. տնտեսագիտական ուսումնասիրություններում ապրանքային ֆեոդալիզմի զաղափարի բացահայտումը հանդիսացավ 40-ական թթ. առաջադրված զաղափարների տրամաբանական զարգացումը։ Այնտեղ, ուր բուրժուական քաղաքատնտեսության միտքը, որն ինքն էր գտնվում ապրանքային ֆեոդալիզմի զերույթի մեջ, տեսնում էր միայն իրեր, ապրանքներ, դրամ, կատեգորիաներ, Կ. Մարքսը հայտնաբերեց մարդ, մարդիկ, մարդկային հարաբերություններ։ Եվ երբ Կ. Մարքսը ցույց է տալիս, թե ինչպես են կապիտալիզմի ընդերքում կուտակվում նոր, սոցիալիստական հասարակության նյութական նախադրյալները, ինչպես է օրինաչափ անցում կատարվում դեպի այդ հասարակությունը, նա համոզված ընդգծում է, որ հենց այդ բեկումնային պահից է սկսվում մարդկային ուժերի զարգացումը, որը ինքնանպատակ է հանդիսանում»⁸։

Այն հարցը, թե ինչ չափով են էվոլյուցիա ապրել Կ. Մարքսի հայացքները մարդու պրոբլեմի վերաբերյալ, հետևարար, ինչպիսին է Կ. Մարքսի վաղ շրջանի ուսումնասիրությունների պոզիտիվ բովանդակությունը, հետազոտողների հետաքրքրության առարկան դարձավ հիմնականում Մարքսի 1844 թ. «Տնտեսա-փիլիսոփայական ձեռագրերի»⁹ լրիվ տեքստի հրատարակությունից հետո։

Որքան էլ այդ «Ձեռագրերը...» իրենց վրա կրեն հեղեյականության և ֆոյերբախականության հետքերը, ոչ ասանց հիմքի դրանք մեր ուսումնասիրություններում զնահատվում են որպես Կ. Մարքսի դիալեկտիկա-մատերիա-

⁶ К. Маркс и Ф. Энгельс, Соч., т. 2, стр. 102.

⁷ К. Маркс и Ф. Энгельс, Соч., т. 3, стр. 75.

⁸ К. Маркс и Ф. Энгельс, Соч., т. 25, ч. II, стр. 387.

⁹ Տե՛ս К. Маркс и Ф. Энгельс, Из ранних произведений, М., 1956. *Մեզ մոտ «Ձեռագրեր»-ի առաջին հանգամանալից ուսումնասիրությունը կատարված է Լ. Ն. Պա-ժիտնովի «У истоков революционного переворота в философии» աշխատության մեջ, որը հրատարակված է 1960 թ.։*

լիստական հայացքների ձևավորման էական օղակ, որպես դիտական հումանիզմի սիստեմի նախնական, ընդ որում փայլուն ուրվագիծ: Առավել ևս, որ օտարումը, որն այստեղ վերցված է որպես վերլուծության առանցքային ուղղություն, հանդես չի գալիս որպես հոգևոր երևույթ կամ օբյեկտիվացող ոգու գործողություն: Որպես հասկացություն այն օգտագործվում է Մարքսի կողմից մարդու պրոբլեմը վերլուծելիս և տարբեր բովանդակություն է կրում իր մեջ «Հեղեղյան իրավունքի փիլիսոփայության քննադատության շուրջը: Ներածություն», «Հրեական հարցի շուրջը» (1843 թ.)¹⁰ հոդվածներում և «Ձեռագրերում...»: «Ձեռագրերը» ցույց են տալիս, որ 1844 թ. Կ. Մարքսի ստեղծագործության մեջ օտարումը արդեն հանդես է գալիս որպես բարդ քաղաքական-տնտեսագիտական և փիլիսոփայական բնույթ ունեցող հասկացություն: Այդ պայմանավորված էր Մարքսին ժամանակակից հասարակության վերլուծության ողջ ընթացքով:

Կ. Մարքսը ցույց տվեց, որ երբ դիմում ես մասնավոր սեփականատիրական հասարակության հետադոտությանը, ապա նկատում ես, որ աշխատանքի արտադրած պրոդուկտը «դիմակայում է աշխատանքին, որպես ինչ-որ օտար էակի, որպես ուժի, որը կախված չէ արտադրողից», — փաստ, որը հատուկ է ոչ թե աշխատանքին ընդհանրապես, այլ «որոշակի» աշխատանքի՝ օտարված աշխատանքին: Աշխատանքը սոսկ մի պրոցես է, որի ընթացքում մարդն իրեն «առարկայացնում» է իր գործունեության առարկայի մեջ, բայց միայն մասնավոր սեփականության պայմաններում է այդ «առարկայացումը» վերածվում օտարման:

Քննելով աշխատանքի բնույթը, արտադրության մեջ բանվորի դրաված տեղը կապիտալիստական հասարակարգի պայմաններում, Մարքսը եզրահանգում է, որ առարկայացումը հանդես է գալիս որպես առարկայի կորուստ և ստրկացում առարկայի կողմից, իսկ առարկայի յուրացումը՝ որպես օտարում, ինքնօտարում¹¹:

Ըստ Մարքսի, օտարումը բացահայտվում է ինչպես բանվորի հարաբերության մեջ դեպի աշխատանքի առարկան, որն իշխում է բանվորի վրա, այնպես էլ բանվորի հարաբերության մեջ դեպի սեփական գործունեությունը, որը մարդու ինքնիրացման միջոց չի հանդիսանում, բանի որ մարդը մասնակցում է արտադրությանը ոչ որպես կոնկրետ անհատ: Կ. Մարքսը բացատրում է այդ հետևյալ կերպ. աշխատանքի օտարման հետևանքով մարդը կորցնում է իր ընդհանուր մարդկային էությունը և դառնում իր անհատական գոյության միջոց և ոչ ավելին, և այդ հիմքի վրա էլ տեղի է ունենում մարդու օտարումը մարդուց: Օտարումը կհաղթահարվի կոմունիզմի հաստատմամբ: Այսպիսով, արդեն իր վաղ աշխատություններում Կ. Մարքսը կարողացավ ցույց տալ, որ օտարման երևույթը հասարակական հարաբերությունների պատմական զարգացման արդյունք է, այն պատմական է իր բնույթով, ուստի և հաղթահարելի, հետևաբար ոչ մի հիմք չկա գոյության այդ դրամատիկական գործոնը համարելու մարդկային բնույթները հատուկ, ինչպես ճշնում են ապացուցել ժամանակակից էկզիստենցիալիստները:

¹⁰ К. Маркс и Ф. Энгельс, Соч., т. 1, стр. 408.

¹¹ К. Маркс и Ф. Энгельс, Из ранних произведений, стр. 561.

Կոմունիզմի հումանիստական էությունն այն է, որ հաղթահարվում է ամեն տեսակի օտարում և օբյեկտիվորեն հնարավոր դառնում մարդկանց համակողմանի ներդաշնակ զարգացումը: Ինչպես երևում է «Ձևագրերի...» վերլուծությունից, երիտասարդ Մարքսի համար կոմունիզմը համապարհ էր մարդու ազատագրմանը, օտարման վերացմանը, ոչնչացմանը, որքանով որ կոմունիզմը վերացնում է մարդուն անմարդացնող, նրա հասարակական հարաբերությունները խաթարող ուժերը:

Հետագա իր բոլոր աշխատություններում Կ. Մարքսը ձեռնթափ չի կցել օտարման կոնկրետ ձևերի ուսումնասիրությունից, ավելին, աշխատանքի օտարման փիլիսոփայական մեկնարանությունը 1844 թ. ուրվագծից վերածել է քաղաքականապես և տնտեսապես հիմնավորված ուսմունքի և դրանով իսկ առավել խոր բացահայտել հին, շահագործողական հասարակարգի տապալման մասին հեղափոխական ուսմունքի հումանիստական բովանդակությունը: Լեյսպես, «Սուրբ ընտանիքում» մենք գտնում ենք այն միտքը, որ ամբողջ հասարակական կյանքի դրամատիզմը ծնող օտարումը բոլորովին էլ միատեսակ չի անդրադառնում հակամարտ դասակարգերի ճակատագրի և դոյություն վրա¹²: «Դերմանական դադափարախոսություն» մեջ երիտասարդ հեղեղականությունը կշտամբվում է, որ այն, «իսկական անհատներին իրենց իսկական օտարման մեջ պատկերելու խնդրի փոխարեն... հրամցնում է օտարման դատարկ միտքը...»¹³ և այլն: Օտարման մասին վերացական, թյուր հիմնավորված ուսմունքը դին էր նկատվում Կ. Մարքսի, ինչպես նաև Ֆ. Էնգելսի համար խիստ կարևոր էր տալ դրա պատմա-մատերիալիստական և տնտեսական վերլուծությունը: Նման վերլուծությունն է ի վիճակի հանդիցնելու ոչ միայն «ճշմարիտ սոցիալիստներին» կամ սոցիալիստ-ուսուպիստների առավել արդյունավետ քննադատություն, այլև ապացուցելու, որ այն դասակարգային ուժը, որին ծնունդ է տալիս կապիտալիզմը, մասնակցելով ընդլայնված վերարտադրության կապիտալիստական օտարմանը և բոլորից շատ տուժելով նրանից, վերջ ի վերջո շուտ է զայիս (ըստ հետադարձ օտարման գործողության) իր իսկ կապիտալիզմի դեմ: Լեյզ ամենը Կ. Մարքսը կիրադործի «Կապիտալի» աստիճանի վրա:

2

Կ. Մարքսը չէր սահմանափակվում կապիտալիզմի ժխտական բնութագրում, և երբ XIX դարի կեսերին ձևավորվում էին և մարքսիզմը, և էկզիստենցիալիզմը որպես ըստ բովանդակության երկու հակադիր, բայց միատեսակ կերպով կոսպիտալիստական սիստեմի դեմ ուղղված հոսանքներ, մարքսիզմը միակը եղավ, որը առաջադիմության հիմքը տեսավ աշխարհի գիտական ճանաչողության և վերափոխման մեջ: Իսկ էկզիստենցիալիստական փիլիսոփայության առաջին առաքյալ Ս. Կյերկեգորը սահմանափակվեց, հայտարարելով, որ միայն «սուբյեկտիվն է ճշմարիտ»։ Ճշմարտությունը հանդիսանում է սոսկ իրական աշխարհի «արսուրդի» սուբյեկտիվ իրացիոնալ պատասխանը: Ոչ մի նմանություն ճշմարտության մարքսյան հասկացության հետ, որի բացահայտումը, շնորհիվ օբյեկտիվ օրենքների ճանաչման, հնարավորություն է տալիս փոխել աշխարհը: Բայց կարելի է ասել, որ Կյերկեգորի մոտ առաջադիմու-

¹² К. Маркс и Ф. Энгельс, Соч., т. 2, стр. 39.

¹³ К. Маркс и Ф. Энгельс, Соч., т. 3, стр. 871.

թյան նկատմամբ ունեցած սուբյեկտիվ, հիվանդագին հիասթափությունը՝ ունի հիմք ուներ թեկուզ այն պատճառով, որ ըստ էության «Կյերկեգորին կառավարում էին այն ուժերը, որոնց նա ինքը պետք է կառավարեր»¹⁴։

Կ. Մարքսը միշտ մնում էր հումանիզմի սկզբունքների պրակտիկ իրացման կողմնակից, հանդես էր գալիս մարդու մարդկայնացման ուղիների վերաբերյալ վերացական պատկերացման դեմ։

Մի շարք պատճառներով գրականության մեջ ստեղծվել էր այնպիսի դրություն, երբ, չնայած հումանիզմի տեսության ինտենսիվ մշակմանը, հարցը դրվում էր ոչ այնքան մարքսիզմի կորիֆեյների ամբողջ ժառանգության ուսումնասիրման մասին, որքան այն մասին, թե պահպանե՞լ է արդյոք իր նշանակությունը օտարման կատեգորիան Կ. Մարքսի հասուն, հատկապես տնտեսական գործերում։ Ի միջի այլոց, մարքսիստների բանավեճը էկզիստենցիալիստների հետ վերջին հաշվով պետք է հանգեցներ և այդ հարցադրմանը, բայց նախ և առաջ հարկ էր բացահայտել այդ կատեգորիայի իրական բովանդակությունը վաղ շրջանի ստեղծագործություններում¹⁵։ «Ձեռագրերի...» էկզիստենցիալիստական աղավաղումների քննադատությունը հաճախ ուղեկցվում էր այն բովանդակության անկանխակալ սխալ մեկնաբանությամբ, որ դնում էր Մարքսը այդ կատեգորիայի մեջ¹⁶։ Մի շարք հեղինակների մոտ համեմատական վերլուծությունը ցույց էր տալիս օտարման տեղը այն կատեգորիաների սիստեմում, որոնք տրված են Մարքսի առավել հասուն շրջանի աշխատություններում¹⁷, բայց և այնպես «զաղափարական կամբջակ» չէր զցվում Մարքսի վաղ աշխատություններից դեպի նրա 60-ական թթ. տնտեսագիտական աշխատությունները։ Մեր հրատարակություններում հումանիզմը, որպես մարքսիստական ուսմունքի տնտեսական մաս, ցուցադրվում էր զլխավորապես նույն «Ձեռագրերից...» վերցված քաղվածքներով։ «Բանն այն է, սակայն, որ մարդու մարքսյան կոնցեպցիան մեծ մասամբ հասուն և ավարտուն ձևով զարգացված է հենց «Կապիտալում»։ Մինչդեռ այդ իմաստով «Կապիտալի» զաղափարները գրեթե չեն ենթարկվում հատուկ վերլուծության», ինչպես այդ նշված է մարդու պրոբլեմին նվիրված համամիութենական սիմպոզիումում

¹⁴ С. Финкельштейн, Экзистенциализм в американской литературе (Թարգմ. անգլ.), М., 1967, стр. 56.

¹⁵ Ա. Կարպուշինը նույնիսկ ասում է, որ օտարման կատեգորիայի վերաբերյալ մարքսյան ըմբռնման նկատմամբ անհրաժեշտ է «ձեռնպահ մնալ վճռական լուծումներից» («Вопросы философии», № 3, 1963, стр. 166), չնայած որ գրականության մեջ լուրջ փորձեր են արվել պարզաբանելու այդ հարցը Մարքսի վաղ շրջանի աշխատությունների վերլուծության հիման վրա (տե՛ս Օ. Корню, К. Маркс и Ф. Энгельс (Թարգմ. ֆրանսերենից), М., 1961, т. 2, стр. 385.

¹⁶ Տե՛ս, օրինակ, И. С. Парский, Об историко-философском развитии понятия «отчуждение», «Философские науки», № 4, 1967, стр. 102, 104, որտեղ նշվում է. «Ձեռագրերում» գետեգված է «четыре стадии функционирования отчужденного труда», չորրորդը համարելով «փոխ-անջատումը» չնայած, որ վերջինս Մարքսը բացատրում է որպես օտարման հետևանք։ Բացի այդ, Մարքսը նկարագրում է «օտարման շարժման» միայն երեք մտադիա (տե՛ս К. Маркс и Ф. Энгельс, Из ранних произведений, стр. 565).

¹⁷ Տե՛ս Т. И. Ойзерман, Формирование философии марксизма, М., 1962, стр. 312, 433; Ю. Н. Давылов, Лефевр и его концепция отчуждения, «Вопросы философии», № 1, 1963, стр. 92; И. С. Кон, Понятие отчуждения в современной социологии, «Материалы к научной сессии, посв. 50-летию Вел. Окт. соц. рев.», ЛГУ, 1967, стр. 84.

(1966 թ.)¹⁸ 1959 թ. դրականության մեջ տառացիորեն ցավով էր նշվում և այն փաստը, որ աշխատանքի օտարման վերաբերյալ և ոչ մի աշխատության հեղինակ անգամ չի հենվում «Կապիտալի» 1-ին հատորի ձեռագրերի այն մասի վրա, որը պարունակում է (ինչպես և «Կապիտալի» ողջ սևագիր օրինակը) այդ կատեգորիայի մանրամասն մշակումը¹⁹:

Ճիշտ է, երբեմն պարզաբանելու համար դործերի նման վիճակը մեր հետազոտական դրականության մեջ, մատնանշում են «Կապիտալի» ուսերեն թարգմանությունների առանձնահատկությունները, որտեղ «օտարումը» (որպես հասկացություն) մեծ մասամբ փոխարինված է տերմիններով, որոնք նույնական են ըստ իմաստի²⁰: Բայց դա ձևական է: Բուրժուական արտադրական հարաբերությունների մեջ դրված և այդ հարաբերությունների ուժով օտարված մարդը քննության է առնված «Կապիտալի» բոլոր հատորներում: Միաժամանակ, մի շարք հեղինակների կողմից առաջադրվում է մեկ այլ թեզ, որը բոլորովին քննադատության չի դիմանում: Այդ թեզը հանգում է այն բանին, որ օտարման երևույթը հետազոտելիս Մարքսը ընթացել է անմիջականորեն իր վաղ աշխատություններից դեպի «Կապիտալը» և օտարման բոլոր տեսակների ծավալուն վերլուծությանը, որը տրված է «Կապիտալում» և տեղափոխական աշխատություններում ընդհանրապես, սոսկ «1844 թ. ձեռագրերում» և «Գերմանական դադափարախոսության» մեջ դրված խնդիրների լուծումն է²¹: Այստեղ անխուսափելի է դառնում մերձեցումը Մարքսի հայացքների «կոհերենտության» կոնցեպցիային²²:

Մինչդեռ անկասկած է, թե ինչպիսի հսկայական նշանակություն ունի մարդու պրոբլեմի հետազոտումը 50—60-ական թթ. տնտեսագիտական ուսումնասիրությունների, հատկապես «Կապիտալի» մակարդակի վրա, առանց որի հնարավոր չէ ինչ-որ չափով ճիշտ պատկերացում ունենալ Կ. Մարքսի հումանիզմի, նրա ուսմունքի հումանիստական էության վերաբերյալ:

Եթե հասարակական կեցությունը, հասարակական պրակտիկ կյանքը առաջնային և վճռական տարրն է, որ մարդը «գտնում է իր առջև», ապա բնական է ենթադրել, որ հենց մարդկային պրակտիկան է որոշում մարդու տեղն ու դերը հասարակության մեջ, նրա մտածողության բովանդակությունն ու ձևը: Հետևաբար, հասարակական պրակտիկան պետք է գտնվի անհատի պրոբլեմի

¹⁸ Տե՛ս «Человек в социалистическом и буржуазном обществе». Докл. и сообщ., М., 1966, стр. 48.

¹⁹ Տե՛ս Բ. Ո. Կոսոլապով, Коммунизм и свобода, МГУ, 1965, стр. 48. Խոսքը մեծապես վերաբերում է «Архив К. Маркса и Ф. Энгельса»-ի II(VII) հ. դեմոնստրացիային:

²⁰ Н. С. Нарский, Проблема отчуждения в трудах К. Маркса, «Философские науки», № 4, 1967, стр. 53.

²¹ Նույն տեղում, էջ 51, от «Рукописей 1844 г.» шел восходящий путь к трудам зрелого Маркса и, в первую очередь, к «Капиталу», где эта проблема нашла свое разрешение»:— Օրինակ, այսպես են դատում մի շարք հեղինակներ, որոնք Մարքսի վաղ շրջանի աշխատությունները անմիջապես կապում են նրա հասուն շրջանի աշխատությունների հետ: Վ. Կ. Բրուշլինսկին նման դատողությունները արդարացիորեն որակում է որպես «թերազնաչատում տնտեսագիտական ուսմունքի դարգացման այն հսկայական առաջընթացի, որը կատարվեց մարքսիստական թեորիայի հանդեպ գալով» («Вопросы истории КПСС», № 1, 1967, стр. 134—135):

²² Նման կոնցեպցիայի անհիմն լինելու մասին տե՛ս, օրինակ, М. Н. Петросян, Гуманизм, М., 1964, стр. 94—95.

մեկնարանման կենտրոնում²³։ Մարդու հասարակական բնույթը իր արտահայտման այլ եղանակ չունի, բացի պրակտիկայում արտահայտվելուց։ «Մարդըն ինքն է հանդիսանում իր նյութական, ինչպես նաև ամեն մի այլ՝ իր կողմից իրագործվող արտադրության հիմքը։ Այդ իսկ պատճառով էլ բոլոր այն պարագաները, որոնք ներգործում են մարդու՝ արտադրության այդ սուբյեկտի վրա, ձևափոխում են... նույնպես և նրա այն ֆունկցիաները և գործունեության տեսակները, որոնք նա կատարում է որպես նյութական հարստության ստեղծող²⁴։ Դրա համար հարց պետք է դրվի (ինչպես տեսական, այնպես էլ գործնական առումով)՝ այն պայմանների ստեղծման վերաբերյալ, որոնց առկայության դեպքում մարդու պրակտիկ գործունեությունը կարող է հանդես գալ որպես ստեղծագործական, ազատագրական և ոչ թե ավերիչ, անհատին ճնշող ու ստրկացնող։ Այլ կերպ ասած, խոսելով մարդու մասին, պետք է հետադոտել մարդու օտարումը հաղթահարելու համար անհրաժեշտ պայմանները։

Կապիտալը, գտնելով իր սուբյեկտիվ արտահայտությունը ապրանքային ֆեոդալիզմում, իսկ օբյեկտիվ արտահայտությունը՝ կապիտալը գործունեության հզոր սուբյեկտի վերածելու մեջ, դիմադրելով է, օտարում արտադրության աշխատավորին, վերածում իր կյանքի ստեղծագործական իմաստավորումից դուրկ անհատի։ Կապիտալը հեղափոխական ճանապարհով խորտակելը կարող է իր իմաստը գտնել սոսկ մարդու, որպես իսկական սուբյեկտի, «վերականգնման» մեջ։

«Կապիտալում» չկան լրիվ կերպով «օտարմանը» փոխարինող հասկացություններ, դրանք բոլորը կապված են նրա հետ և կամ բեկվում են նրա մեջ, ինի դա «աբստրակտ աշխատանքի բաժանում կոնկրետից», «շահագործում» կամ, ասենք, «արտադրողների էքսպրուպրիացիա»²⁵։ Մարքսը մեծ նշանակություն է տալիս օտարման տեսակներին, որոնք ածանցական են աշխատանքի կապիտալիստական օտարումից, քանի որ օտարման ածանցյալ, վերնաշենքային այդ տեսակները (զաղափարական, սոցիալ-հոգեբանական և այլն) մեծ դեր են խաղում պրոլետարիատին իր հեղափոխական-ազատագրական միսիայի կատարման գործին նախապատրաստելու համար։ Բայց այդ նույն տեսակները, հանդես գալով պետական-բյուրոկրատական ապարատի, անհատի իրավական սահմանափակման, բոնության օրդանների, ղեկինֆորմացիայի, խարեության սխտեմի տեսքով, ամրապնդում են կապիտալիզմի դիրքերը։ Կապիտալիզմը չի վերացնում օտարումը, միայն վերարտադրում է այն նոր ձևերով՝ հասարակական գիտակցության ոլորտում։

Մարքսը անհաշտ դիրք է զբաղում բնզղեմ նման հասարակական սխտեմի։ Մասնավոր սեփականության, օտարման և ինքնօտարման մեջ Կ. Մարքսը տեսնում է մարդկային անհատի համար կործանարար բուրժուազիայի ուժերը։ Կ. Մարքսը հատուկ ուշադրություն է դարձնում օտարման այն տեսակների վրա, որոնք նպաստում են պրոլետարիատի զասակարգային ինքնագիտակցության քայքայմանը։ Եւ ապրանքային ֆեոդալիզմն է և նրա արտադրումը վուլ-

²³ См. К. Маркс и Ф. Энгельс, Соч., т. 23, стр. 401—402, 383.

²⁴ К. Маркс и Ф. Энгельс, Соч., т. 26, ч. 1, стр. 283.

²⁵ Տվյալ հարցի մասին արտահայտված բազմաթիվ մտքերի մեջ ուշադրավ է այն տեսակետը, որը հիմնավորում է Լ. Դրագուտինը։ Այդ տեսակետը դրական գնահատական է, ստացել մեզ մոտ (տե՛ս «Философские науки», № 3, 1964, стр. 122)։

զար քաղաքատնտեսության մեջ, կրոնական դիտակցությունը, ֆեոդալային երևույթները կենցաղում, ընտանիքում, սեռերի փոխհարաբերության մեջ, Առանձին անհատը չի կարող պատասխանատվություն կրել այդ բոլորի համար, նա միշտ էլ հասարակական սիստեմի արդյունքն է, «որքան էլ որ նա սուրյնկտիվ կերպով վերն շահմբառնար նրանից»²⁶։ Աղավաղված են հարաբերությունները հասարակության մեջ, աղավաղված է պատկերացումը նրանց մասին։ Եվ դա կրկին արդյունք է երկրի օբյեկտիվ վիճակի, արդյունք հասարակության մեջ իշխող մարդու օտարման։

«Հավելյալ արժեքի տեսություններում» Կ. Մարքսը նշում է, որ արտադրության կապիտալիստական սիստեմը մոտենում է մարդուն ճիշտ այնպես, ինչպես քրիստոնեությունը։ Իսկ քրիստոնեությունը կոնկրետ մարդու հետ ոչ մի դործ չունի, նրա համար բնորոշ է «վերացական մարդու պաշտամունքը», որը հատկապես նկատելի է նրա «բուրժուական տարատեսակներում, ինչպիսիք են բողոքականությունը, դեիզմը և այլն»²⁷։

Կապիտալիզմի համար նույնպես «մեկ մարդը արժե ոչ ավել, ոչ պակաս քան մյուսը», բայց նրա հասարակական արժեքը որոշվում է ոչ թե նրա մարդկային հատկություններով, այլ նրանով, թե «ունի՞ արդյոք նա վարկ», «ծնընդյան օրից փող ունի՞», թե ոչ»²⁸։ Հանդիսանալով օտարված հասարակական ուժ, փողը կապիտալիզմի ժամանակ դառնում է «մասնավոր անհատի մասնավոր ուժ»²⁹։

Այս լույսի տակ պարզ է դառնում կապիտալիստական առաջընթացի արժեքը, որը հանդեցնում է նյութական բարիքների անմիջական արտադրողների բայքայմանը։ Իջեցնելով մարդուն հասարակական արտադրության մասնակի ֆունկցիայի պտուտակի աստիճանին, երբ անհատը դադարում է ամբողջական մարդ լինելուց, բուրժուական հարաբերությունները հանդեցնում են այն բանին, որ մարդ սկսում է վերաբերվել աշխարհին ոչ թե իր անհատականության ամբողջ հնարավոր լիակատարությամբ և հպարտությամբ, այլ իր անհատականության, իր մարդկային էության մասնակի՝ առավել իրական, նյութական արտահայտությամբ։ Կապիտալիզմն իր «մարդկային կյանքի ծախսման լենկթեմուրյան շռայլությամբ»³⁰ ձգտում է մարդկային անհատականության էական ուժերի անարտադրողական ծախսման։ Վերջին հաշվով դա նպաստում է լուկ անհատի վերածմանը անդեմ անհատի։ Անհատի սոցիալական կայունությունը հասարակության մեջ պայմանական է, քանի որ նրա ղխին միշտ կախված է վտանգ, այն է՝ «աշխատանքի միջոցների հետ խլել նրանից նաև կենսական միջոցները և նրա մասնակի ֆունկցիայի հետ նրան էլ դարձնել ավելորդ»³¹։

Նման հասարակության մեջ աշխատավոր մարդը անտինոմիա է ապրում մի կողմից «խոշոր արդյունաբերության բնույթը պայմանավորում է աշխատանքի փոփոխությունը, ֆունկցիաների շարժումը, բանվորի համակողմանի շարժունությունը», մյուս կողմից այդ խոշոր արդյունաբերությունը իր կապի-

26 К. Маркс и Ф. Энгельс, Соч., т. 23, стр. 10.

27 Նույն տեղում, էջ 89։

28 К. Маркс и Ф. Энгельс, Соч., т. 26, ч. III, стр. 467.

29 К. Маркс и Ф. Энгельс, Соч., т. 23, стр. 143.

30 Նույն տեղում, էջ 273։

31 Նույն տեղում, էջ 498։

տալիստական ձևով վերարտադրում է աշխատանքի հին բաժանումը իր քարացած մասնագիտություններով»³²։ Ճնշվածությունը, իր նկատմամբ անվստահության, դատապարտվածության զգացումը, աշխարհում իր դրության անկայունության գիտակցությունը արդեն բնավ չեն լքում մարդուն։

Եվ ի՞նչ է լինում արդյունքում։ Ընդունակությունների միակողմանիությունը դառնում է օտարման, կամ, ինչպես ինքը Մարքսն է ասում, «մարդու կոտորակման»³³ հետևանք։ Անհատին ձևավորող, դաստիարակող ուժերի ողջ կոմպլեքսը, աշխատանքի բաժանման հետ մեկտեղ, առաջ են բերում «գերաճում և ծյուրում հասարակության երկու բևեռներում, թեպետ հակառակ ուղղությամբ»։ Ճնշված դասակարգին պատկանող անհատը կորցնում է անհատի հատկություններն ու որակը, պահպանելով «մասնակի բանվորի բթամտության» պոնտը, քանի որ «ժողովրդական զանգվածի լիակատար խեղումը» հանդիսանում է անմիջական արտադրողների զանգվածից հավելյալ արժեք քամելու անխուսափելի հետևանք։ Ինչ վերաբերում է արտոնյալ դասերի ներկայացուցիչներին, ապա նրանց մոտ գերաճած հանդես են գալիս անհատապաշտությունն ու եսասիրությունը, որոնք անհատական հատկությունները ոչ պակաս են խաթարում, քան ծյուրման դեպքում, քանի որ նույն հավելյալ արժեքը «այս աշխարհի զորեղների» ապահովության, ընտրյալ իշխանության սիստեմում նրանց անհատականության ամրապնդման միակ աղբյուրն է³⁴։

Կապիտալիստական հասարակության մարքսյան վերլուծության արժեքը ի վիճակի չեն ժխտելու անգամ բուրժուական գաղափարախոսները։ Նրանցից առավել անաչառները պատրաստ են ընդունելու, որ «Կապիտալը» կարող է լինել «վերլուծության և ծանոթագրությունների առարկա անգամ նրանց կողմից, ովքեր չեն հավատում կամ վախենում են նրա ազդեցությունից»³⁵։ Հատկանշական է ամերիկյան պրոֆեսոր Ու. Ուիլյամսի արտահայտությունը Մարքսի մասին. «Մարքսի կոնցեպցիան առաջարկում է այնպիսի ըմբռնում և իդեալներ, որոնց խիստ կարիքն ունի Ամերիկան, եթե նա ցանկանում է արդյունավետ կերպով զրուխ հանել բոլոր ներկա և ապագա պրոբլեմներից»³⁶։

Միաժամանակ, չատաղովական նպատակներով բուրժուական գիտնականները եռանդով Մարքսի հետազոտական արժեքը փոխադրում են մինչմոնոպոլիստական կապիտալի ժամանակաշրջանը, դրանով իսկ փորձելով ապացուցել, թե Մարքսը և նրա ուսմունքը, կապիտալիզմի վերջնական խորտակման անխուսափելիության և անհրաժեշտության վերաբերյալ եզրակացությունները ընդունելի էին անցյալում։ Իսկ այժմ, որպես հետևանք այն բանի, որ կապիտալիզմը փոխել է իր բնույթը, մարդու գոյությունը չի կարող բնութագրվել նրան օտարող այն ուժերով, որոնք նշել է Մարքսը իր «Կապիտալում»։

Անտրոպոլոգիական բնույթի հաղորդելով օտարմանը, բուրժուական փիլիսոփայությունը մարդու ուսերին է բարդում այն մեղքը, որը օբյեկտիվորեն պարունակում է իր՝ մասնավոր սեփականատիրական հասարակարգի մեջ։ Պատահական չէ, որ ժամանակ առ ժամանակ հռչակվում են արտաքուստ ար-

³² Նույն տեղում։

³³ Նույն տեղում, էջ 366։

³⁴ Նույն տեղում, էջ 499։

³⁵ Տե՛ս, օրինակ, Զ. Դեյվիս, История экономической мысли XX века (Թարգմ. Ֆրանսերենից), М., 1959, стр. 44.

³⁶ Տե՛ս «Проблемы мира и социализма», № 10, 1966, էջ 35։

մատական տեսություններ «ընդհանուր բարեկեցության հասարակարգ», «սոցիալական դործակցության» հասարակարգ և այլն ստեղծելու վերաբերյալ: Առանձին ռեֆորմները և տեսությունները չեն կիրառանափոխում կապիտալիզմը: Կապիտալիզմի քայքայումը և սոցիալիզմի համաշխարհային-սոցիալական հաջողությունները ցուցադրում են մարքս-լենինյան ուսմունքի ուժը, իսկ մեր հարյուրամյակի անցած առաջին հիսուն տարիները բավականաչափ հաստատումն բերեցին այն հեղափոխական եղրակացության արդարացիության, որ կատարել էր Մարքսը, դիտականորեն ասացուցելով իր «Կապիտալում» կապիտալիստական սեփականության «մահվան ժամի» անխուսափելիությունը:

3.

Իր հասուն ստեղծագործություններում Մարքսը հանդես է գալիս որպես հետևողական պրոլետարական հումանիստ: Ես մատնանշում է, որ պրոլետարիատի ելույթի նպատակը պետք է դառնա ոչ միայն օտարման ծնած սպառնալիքների թոթափումը, այլև բաղիսի քանդումը նրան հատուկ աշխատանքի օտարմամբ, որոնց վրա խարսխվում են պատրանքները: Դրա ուղին Մարքսը տեսնում էր միայն սոցիալիստական հեղափոխության մեջ: «Կապիտալը», որպես պրոլետարական, լավատեսական հումանիզմի մեծագույն մարմնավորումը, «փաստերի Մոնրլանի» հիման վրա ապացուցեց, որ կապիտալիզմի խորտակումը միաժամանակ կդառնա աշխատանքի օտարման, իսկ հետո նաև օտարման այլ տեսակների խորտակում: Դա պայման կհանդիսանա այն բանի համար, որպեսզի մարդը կարողանա ճշանդես բերել իր իսկական անհատականությունը:

«Կապիտալում» ներկայացնելով փայլուն հիմնավորումը՝ այն ճշմարտության, որ կոմունիզմը կստեղծի օբյեկտիվ սոցիալ-տնտեսական նախադրյալներ անհատի ազատության և ծաղկման համար, Կ. Մարքսը նշում է, որ միայն հեղափոխական պրակտիկան կհանդիսանա այն բովեր, որի միջով մարդը կզնաղեպի ազատություն: Էնդ որում արդեն կոմունիզմի առաջին փուլում (սոցիալիզմի ժամանակ) նյութական հարստությունը կկուտակվի ռեանվորների պահանջների համար» և հասարակությունն իր ամբողջությամբ վերցրած կղաղարի դիմակայել անհատին: Կոմունիզմի այդ ստադիայում մարդը կազատվի կապիտալիստական հարաբերությունների ճնշումից: Արտադրության ոլորտում մարդը ազատություն կստանա: Ավելին, արտադրության սոցիալիստական անհրաժեշտությունը կհանդիսանա միակ հնարավոր հիմքը, մարդու որպես անհատի զարգացման ելակետը: Ազատությունն այդ բնագավառում, — բացատրում է իր միտքը Մարքսը, — կարող է կայանալ միայն նրանում, որ սոցիալականացած մարդը, միավորված արտադրողները ռացիոնալ կերպով կանոնավորում են իրենց այդ նյութափոխանակությունը բնության հետ, դնում են այն իրենց ընդհանուր հսկողության տակ, փոխանակ այն բանի, որ նա տիրապետի իրենց իրրև կույր ուժ. այն կատարում են ուժերի նվազագույն ծախսումով և մարդկային բնույթին առավել արժանի ու նրան համապատասխան պայմաններում: Բայց և այնպես, համենայն դեպս, այն մնում է անհրաժեշտության թաղավորություն»: Համեմատելով սոցիալիզմը կոմունիզմի բարձրագույն ստադիայի հետ, Մարքսը եղրակացնում է. «Նրանից (այսինքն սոցիալականացած մարդու համար անհրաժեշտության թաղավորությունից

—Ռ. Ն.) այն կողմ սկսվում է մարդկային ուժի զարգացումը, որը ինքնանպատակ է, ազատության իսկական թագավորություն...»³⁷։

Սոցիալիզմը, որպես կոմունիզմի առաջին փուլ, նշանավորում է պատմության բեկումնային ժամանակաշրջանը, սկզբնավորելով հասարակության և անհատի հարաբերությունների հումանիզացումը։ Նվ եթե փիլիսոփայությունը քաղաքակրթության պատմության հսկա ժամանակաշրջանում նրանց դիտում էր իբրև հակոտնյաներ, ապա սոցիալիստական պրակտիկան մերժեց այդ հակադրումը, հաստատելով մարքսիզմը։ Արտադրության միջոցների համայնացումը, մասնավոր սեփականության վերացումը, հետևաբար և մարդու կողմից մարդու շահագործման հարաբերությունների վերացումը էական, որոշիչ գործոններ եղան նման հեղաբեկման համար։ Հոկտեմբերյան սոցիալիստական մեծ հեղափոխությունից հետո հասարակության մեջ ձևոնարկված միջոցառումների ամբողջությունը պետք է սոցիալիզմին հումանիստական բուլանդակություն հաղորդեր։

Առաջընթացի աստիճանի վրա, երբ հեղափոխական պրոլետարիատի ուժով մարդու օտարման հիմնական բաղան՝ մասնավոր սեփականատիրական հարաբերությունները վերջնականապես կործանվել են, անհատը օժտվում է հասարակության հետ կապող շոշափելի հարաբերություններով։ Որքան որ որակապես նոր է մարդու օբյեկտիվ կեցությունը սոցիալիզմի օրոք, այնքան էլ անհատը ձևափոխվում է, հարստանում հասարակության շահերի ողջ հարստությամբ, իր ակտիվությամբ իրացնում է անձնական ազատությունը։ Հարաբերությունների հումանիզացումը, ինչպես և ինքը ազատությունը, իրականություն են դառնում այն շափով, ինչ շափով, համաձայն Մարքսի, պահպանվում է «սոցիալականացած մարդու» համար անհրաժեշտության թագավորությունը։ Մեր գրականության մեջ միշտ չէ, որ այդ հաշվի է առնվում, իսկ եթե ընդունվում էլ է բացարձակ ազատության կոնցեպցիան սոցիալիզմի նկատմամբ ժխտելու անհրաժեշտությունը, չի նշվում անհատի ազատության շափերի և սահմանափակումների սխտեմը³⁸։ Իսկ բացարձակ ազատությունը, միայն մտքում թույլատրելի ազատությունը, ժխտվել է ոչ միայն մարքսիստների, այլև Հեգելի կողմից, որպես «ոչ կենդանի ազատություն»³⁹։ Մինչդեռ սոցիալիզմը գիտե արգելքների իր սխտեմը, որոնք սուբյեկտիվորեն և օբյեկտիվորեն որոշում են հասարակության ամեն մի անդամի արարքի պատասխանատվությունը⁴⁰։ Ոչ թե օտարումը, այլ օտարման վերապրուկային ձևերն են սահմանափակումների այդ սխտեմի մեջ գտնում իրենց արտահայտությունը։ Դրանք հաղթահարվում են սոցիալիզմից կոմունիզմին անցնելու պրոցեսին զուգընթաց և դրա համար էլ անհատի համար շունեն այն համընդհանուր ողբերգական նշանակությունը, որն առհասարակ վերացրում են օտարմանը էկզիստենցիալիստները⁴¹։

³⁷ К. Маркс и Ф. Энгельс, Соч., т. 25, ч. II, стр. 387.

³⁸ Տե՛ս, օրինակ, «Личность. Общество. Государство» մոնոգրաֆուհ, Մ., 1966, стр. 36—37.

³⁹ Տե՛ս Գեգել, Соч., т. 4, стр. 91.

⁴⁰ Տե՛ս Ի. Ն ա վ ա ս ա ր դ յ ա ն, Հեղափոխությունը, ազատությունը և բնության պատասխանատվությունը, ԵՊՀ-ի տրիբունա, № 2, 1968:

⁴¹ Օտարման առկայությունը սոցիալիզմի ժամանակ, որոշ վերապահումներով, ընդունվում է մի շարք հետազոտողների կողմից. Ի. Ի. Կոստլապով, Ա. Ֆ. Շիշկին, Վ. Պ. Օգուրցով (ՍՍՀՄ), Գ. Կլաուս (ԳԴՀ), Պ. Վրանիցկի (Հարավսլավիա), Ա. Շաֆֆ (Լեհաստան)։

Սոցիալիզմի գոյությունը և զարգացման կեսդարյա փորձը ցույց տվեց, որ նրա նպատակը այնպիսի պայմանների ստեղծումն է, երբ մարդը կօգտվի կենսական և հոգեկան կատարելագործման հնարավորություններից: Վերացնելով դասակարգային և ազգային հակամարտությունը, սոցիալիզմն ամեն ինչ արեց հասարակության յուրաքանչյուր անհատի ազատ և համակողմանի զարգացման համար, այդ նպատակով դիտական, տեխնիկական և կուլտուրական առաջընթացի բոլոր հաջողությունները օգտագործելու համար:

Կ. Մարքսի Հումանիզմի ուժը նրա կենսունակության մեջ է: Պատրանքների, մարդու հրջանկության մասին երազանքի փոխարեն, քաղքենիական մարդասիրության, մարդու նկատմամբ դատարկ ու կեղծավոր ցավակցության փոխարեն, վերացական հումանիզմին հատուկ այդ ընդհանուր ու սնամեջ հայտարարությունների փոխարեն՝ հեղափոխական, իրական պայքար՝ վերացնելու համար սոցիալական այն պայմանները, որոնք դատապարտում են մարդուն շահագործման ու հոգևոր ստրկության, պայքար սոցիալիզմի, որպես հումանիստական իդեալների հետևողական կենսագործման հիմքի, հաղթանակի համար՝ ահա մեծ Մարքսի Հումանիզմի էությունը:

Կյանքի ճշմարտությունը մարքսիզմի կողմն է, որով և ղեկավարվում է մեր կուսակցությունը:

Կ. Մարքսի ծննդյան 150-ամյակի առթիվ ՍՄԿԿ Կենտկոմի թեզիսներում ընդգծվում է, որ հեղափոխական ուսմունքի զարգացման լինինյան էտապը XX դարի մարքսիզմն է, արդի դարաշրջանի մարքսիզմը Այդ էտապը անշեղորեն շարունակվում է ՍՄԿԿ ու Եղբայրական կուսակցությունների թևորակա՝ կան գործունեությամբ, մարմնավորվում է միջազգային կոմունիստական շարժման պրակտիկայում:

Տարրեր աշխարհամասերի առաջադեմ ուժերը ջերմորեն պաշտպանում են Բուդապեշտում և Երևոյում փերջերս կայացած կոմունիստական ու բանվորական կուսակցությունների ներկայացուցիչների հանդիպման ժամանակ ընդունված որոշումը, որը կոչ է անում բարձրացնել զգոնությունը իմպերիալիզմի ագրեսիվ նկրտումների և քայքայիչ գործողությունների նկատմամբ: Այդ կոչը ամբողջովին վերաբերում է զաղափարական պայքարին, որին մեր ժամանակներում պետք է ավելի հարձակողական թափ հաղորդել: Գաղափարախոսությունը դասակարգային պայքարի կարևորագույն ճակատն է: Այստեղ բոլորովին անթույլատրելի են քաղաքական անտարրերությունն ու պասսիվությունը: Այստեղ չի կարող լինել խաղաղ գոյակցություն, ինչպես չի կարող լինել դասակարգային խաղաղություն պրոլետարիատի ու բուրժուազիայի միջև: ՍՄԿԿ Կենտկոմի ապրիլյան պլենումը (1968 թ.), արդի իրադրության վերլուծության հիման վրա, իր որոշման մեջ, իրավացիորեն նշեց, որ իմպերիալիզմը լուրջ ռնցումներ ու ձախողումներ կրելով ներքին ու արտաքին քաղաքականության ասպարեզում, ավելի է մեծացնում քաղաքական ու զաղափարախոսական քայքայիչ պայքարը սոցիալիստական երկրների, կոմունիստական ու դեմոկրատական շարժումների դեմ: ՍՄԿԿ Կենտկոմի պլենումի որոշման մեջ ընդգրծվում է, որ «անհաշտ պայքարը թշնամական զաղափարախոսության դեմ, իմպերիալիզմի մեքենայությունների վճռական մերկացումը, ՍՄԿԿ անդամների և բոլոր աշխատավորների կոմունիստական դասափարակությունը, կուսակցության ամբողջ զաղափարական գործունեության ուժեղացումը առանձնահատուկ նշանակություն են ձեռք բերում, կազմում են բոլոր կուսակցական կազ-

մակերպությունների զլխավորագույն պարտականություններից մեկը։ Նրանց պարտքն է հարձակողական պայքար մղել բուրժուական զաղափարախոսության դեմ, ակտիվորեն հանգես գալ զրականության, արվեստի և այլ ստեղծագործություններում սովետական հասարակարգի սոցիալիստական զաղափարախոսությանը խորթ հայացքների անցկացնելու փորձերի դեմ»։

Այն ժամանակ, երբ երիտասարդ Մարքսը կոմունիզմի առաջին սահմանումներն էր տալիս, սկզբից ևեթ այն բնորոշելով իբրև իրական հումանիզմ, մի այլ մտածող իր ֆեաիշը դարձրեց հուսախաբությունը Դա Ս. Կլերկեգորն էր։

Այսօր Ս. Կլերկեգորի հետևորդները սահման շունեցող այդ հուսախաբությանը, որպես մարդու ճակատագիր, ամրապնդել են էկզիստենցիալիզմի իրենց փիլիսոփայության մեջ։ Ս. Հայդեգերը, այդ փիլիսոփայության հիմնադիրը, պատկերում է հասարակության զարգացման պատմական պրոցեսը որպես խարխափում անտառային խավարամած արահետներում, անվերջ գիշերվան ընդառաջ⁴²։ Դա ոչ միայն Հայդեգերի պեսիմիզմն է, և ոչ էլ անզամ էկզիստենցիալիզմի։ Դա պեսիմիզմ է ամբողջ սոցիալական սիստեմի մտածելակերպի մեջ, որի բախտը կանխորոշված է պատմության կողմից, կոմունիզմի կենսունակությամբ, որը կառուցում են Մարքսի միլիոնավոր հետևորդները, իրենց ետեից տանելով աշխատավոր զանվածներին երկրագնդի բոլոր մայր ցամաքներում, համախմբելով ողջ առաջավոր, զեմոկրատական, հակաիմպերիալիստական ուժերը։ Կոմունիզմը կլուծի բնության և մարդու, մարդու և հասարակության միջև եղած կոնֆլիկտը⁴³, նա կհանդիսանա, ասում էր Մարքսը, սոցիալիստիկ հանելուկի լուծումը»։ Մարքսի զաղափարների հումանիզմը լուսավորում է ուղին զեպի այդ լուսապայծառ ապագան։ Ուրդեն ավելի քան 100 տարի է,— նշված է Մարքսի ծննդյան 150-ամյակի առթիվ ՍՄԿԿ ԿԿ-ի թևդիսներում,— պատմական զարգացումն ընթանում է մարքսիստական տեսության նախանշած ուղիով։ Պատմության ամեն մի շրջագարծում մարքսիզմը նորանոր հաղթանակներ է տարել։ Կյանքի ճշմարտությունը մարքսիզմի կողմն է և նա այսուհետև ևս հաղթանակներ կտանի, մոտեցնելով մեր մոլորակի վրա կոմունիզմի լիակատար հաղթանակի ժամանակը»։

⁴² M. Heidegger, Holzwege, Fr.-a.-M., 1950.
⁴³ М. К. Маркс и Ф. Энгельс, Из ранних произведений, стр. 588.